

高青邱詩醇


三

土岐文庫

文庫17

W160

3



文庫 17
W160
3

高青邱詩醇卷之四

伊勢 齋藤 謙有終錄

美濃 梁 緯公圖

紀伊 菊池保定士固 閱

七言律詩

謁甫里祠 甫里志祀唐賢陸龜蒙也

衣冠寂寞半塵絲
想見江湖獨臥時
遁跡虛煩明主詔
感懷猶賦散人詩
釣魚船去雲迷浦
鬪鴨闌空草滿池
芳藻一杯誰為奠
鼓聲只到水神祠

送秦司訓海上省墓

高青邱詩醇 卷之四

昭和六十年二月一日
土岐幸吉唐氏寄贈

010185142046

亂離何處訪遺阡暮雨東歸近海邊寂寂野棠閒照
墓依依鄉樹遠迎船門生舊解題銘石縣令新能給
祭田此日誰無邱隴念送君還詠白華篇

寄余左司

何處吹愁角一聲大江東岸呂蒙營天隨流水茫茫
去月共長庚耿耿明虜意有圖秋暫息客魂無定夜
還驚欲陪醴酒樓船座借問風潮早晚平

賦得寒山寺送別

楓橋西望碧山微寺對寒江獨掩扉船裏鐘催行客
起塔中燈照遠僧歸漁村寂寂孤煙近官路蕭蕭眾

葉稀須記姑蘇城外泊烏啼時節送君違

聞朱將軍戰沒羣雄事略徐達攻湖州張士誠遣平章朱暹及五太子率

兵屯舊館為常遇春薛顯所敗暹字秦仲載啓詩

江浦戈船赤幟稀孤軍落日陷重圍鏡中蛇墮占應
驗牙上梟鳴事已非殘卒自隨新將去老親空見舊
奴歸聞雞此夜誰同舞西望秋雲淚灑衣

送何明府之秦郵何淮東人已為縣令

馬前風葉助離聲楚驛都荒不計程一令尚淹三縣
事幾家曾見十年兵夕陽遠樹煙生戍秋雨殘荷水
繞城父老不須重歎息君來應有故鄉情

送滎陽公行邊

風卷雙旌雪覆韉，遠騎白馬出行邊。
兵馳空壁三千幟，客宴高堂十萬錢。
屏裏舊圖魚復陣，燈前新注豹韜篇。
功成他日論諸將，只有荀郎最少年。

婁江寓舍喜王七隅見過卻送還郭

送君只過孝廉橋，不似君來訪我遙。
路未同歸鴻杳杳，門方孤掩竹蕭蕭。
遠愁忽與鐘聲至，殘醉微兼燭燼銷。
莫道扁舟難重過，寒江日日有回潮。

陪臨川公遊天池

騎馬尋幽度嶺遲，老僧不識使君誰。
門開紅葉林間

寺泉浸青山，石上池殘果已收。
猿食少，枯松欲折鶴巢危。
壁閒不用題名字，無限蒼苔沒舊碑。

客舍歲暮

空江寒雨送淒涼，離舍無多卽異鄉。
井臼尙勤慙德曜，音書未至憶平陽。
心輕別歲憑年少，夢喜還家及夜長。
自笑病來詞賦拙，懶從枚叟客遊梁。

江上晚眺懷王著作

渡頭西望足離情，晚水寒山雪後清。
鷗立斷冰流漸遠，鴉隨殘照去還明。
漁人笛過風生浦，估客帆回樹繞城。
范蠡祠前春意動，思君欲放酒船行。

答徐七記室病中作

空齋孤枕積書閒，清瘦憐君變舊顏。
累少亦憂今日，亂病多應賴此身。
閒朝辭鄰友，看花去晚候。
家僮買藥還，知是苦吟猶未廢。
水邊深樹掩柴關。

期徐七遊雲巖

憶與青山別幾時，雲松應恨鶴歸遲。
少知學道貧非病，閒愛談禪偈是詩。
女洗曉江煙淼淼，人行暮苑麥離離。
明朝風雨還同往，恐負高僧石上期。

遊雲巖值雨

深殿幽廊映竹開，鳥聲忽斷雨聲催。
蘚生偏上題詩

壁花落還臨說法，臺林下聞鐘諸客散。
礪邊汲水一僧來，晚晴更好看山色。
西閣憑闌獨未回。

送何記室遊湖州

暮雨關城獨去遲，少年心事劔相知。
故人當路輕貧賤，倦客逢秋惡別離。
疎柳一旗江上酒，亂山孤棹道中詩。
水嬉散後湖亭廢，此去煩君弔牧之。

江上寄丁校理昆季

望裏煙生是子家，草堂應近鵲鴿沙。
江汀每恨無舟渡，野墅空憐有酒賒。
半雨暮成風外雪，孤梅春動臘中花。
相思尚隔前村遠，獨倚柴門數去鴉。

送顧軍咨歸梁谿

新柳休攀短短條，離愁似雪未能銷。春回廢苑還芳草，人渡空江正落潮。德曜宅前今獨去，平津門下舊相招。重來莫在花開後，擬聽狂歌醉幾朝。

白蓮寺次韻杜進士喜余見過話舊之作

不辭鳴棹遠相尋，欲向江齋伴旅吟。百事未成年已長，幾時纔別夏將深。萱畱倦蝶連池綠，樹帶殘鶯滿寺陰。恐被老僧嫌滯礙，舊遊休說更傷心。

送張徵君南遊

故人多去不堪留，况復看君更遠遊。流落正逢搖落

景亂離還值別離，愁夕陽亭上忽忽。酒寒雨江邊渺渺，舟此後衡門應獨掩。詩篇寂寞有誰酬。

送李使君鎮海昌

海風千里捲雙旌，按轡初聞屬部清。人雜島夷爭午市，潮隨山雨入秋城。鳴狐不近睢陽廟，突騎猶屯廣利營。百堵帳中容我醉，夜深燃燭臥談兵。

賦得惠山泉送客遊越

雲液流甘漱石牙，潤通錫麓樹增華。汲來曉冷和山雨，飲處春香帶澗花。合契老僧煩每護，修經幽客記曾誇。送行一斛還堪贈，往試雲門日注茶。

寄題張著作青山隱居

霞映青山似赤城，歸栖聞已謝時名。
半湖殘雨收虹影，幾樹斜陽帶鳥聲。
竹下逢僧投杖揖，蘿間候客抱琴行。
平生應笑王夷甫，末路方言少宦情。

江村

南浦薰風吹葛衣，汀花未露岸花稀。
水神廟下莎侵路，江叟門前柳映磯。
犢臥已知耕耒歇，鷗驚長見釣船歸。
天隨宅畔吾曾住，畱得閒罾挂夕暉。

雨過舟中看山

風雨山前暗荔蘿，滿篷涼思入滄波。
沙鳴正厭秋聲

急峰出還憐秀色多，谿上雲收開遠樹。
田中水滿發新禾，舟人不用催歸速。
臥看青巒次第過。

秋日江居寫懷七首

每看搖落卽成悲，況在漂零與別離。
爲客偶當鱸美處，思兄正值雁來時。
天邊暝爲秋陰蚤，江上寒因歲閏遲。
莫把丰姿比楊柳，愁多蕭颯恐先衰。

其二

葭茨連秋渺渺長，歸舟猶歎滯江鄉。
客衣欲冷鄰機急，農事初成野飯香。
千里斷雲隨雁鷺，半村殘照送牛羊。
有愁不解登高賦，空使頻回宋玉腸。

其三

舌在休誇術未窮。且將蹤跡託漁翁。芙蓉澤國瀾漫雨。禾黍田疇奄冉風。身計未成先業廢。心懷欲說舊交空。楚雲吳樹無窮恨。都在蕭條隱几中。

其四

風塵零落舊衣冠。獨客江邊自少歡。門巷有人催稅到。鄰家無處借書看。野蟲催響天將夕。籬豆垂花雨稍寒。終臥此鄉應不憾。只憂飄泊尚難安。

其五

桑苧翁家次近居。人煙沙竹自成墟。移門欲就山當

榻。補屋唯防雨。溼書貧爲湖田長。半沒拙因世事本多疎。當時亦有求名意。自喜年來漸已除。

其六

喪亂將家幸得全。客中長恥受人憐。妻能守道同王霸。婢不知詩異鄭玄。借得種蔬傍舍地。分來灌菊別池泉。卻欣遠跡無相問。一櫂秋風笠澤邊。

其七

秋塘門掩竹穿沙。爲客鄰醅未易賒。閒裏壯年慙白日。愁中佳節負黃花。漁村靄靄緣江暗。農徑蕭蕭入圃斜。薄俗相輕吾敢怨。魯人猶自笑東家。

秋日江館詠懷

十年世事漸多更，自歎而今豈後生。未有佳兒書漫讀，既無俗客酒頻傾。煙生遠塢聞雞唱，潮落平沙見蟹行。秋後思歸凡幾度，夕陽江上望高城。

答呂志學山人見寄

一罷僧房看竹期，行吟何處復相隨。煙波遠渚難尋路，風雨幽窗忽送詩。故舊誰非嗟別者，鄉園同是憶歸時。莫愁孤館春寥落，且向江干避亂離。

江山晚眺圖

一髮青山斷雁邊，渚宮樓閣暮雲連。煙波彷彿江南

意嵐柳依稀峽外天，釣艇歸時風動葦。僧鐘起處日沈煙，觀圖忽起滄洲想，身墮黃塵又幾年。

江上春日遣懷

江上逢春已兩回，客中時序苦相催。蛛營戶網蟲初出，雀借簷巢燕未來。年少卽閒真信拙，詩成雖好可言才。如今欲向南鄰叟，旋乞垂楊繞舍栽。

別江上故居

家具初移借釣船，臨行魚鳥亦悽然。城南徙舍惟三里，渚北閒居已二年。花墅回看春水外，草堂畱掩夕陽邊。多慚父老相畱意，來去聊隨大化遷。

遷城南新居

辛苦中年未有廬東西長寄一囊書未能避俗還依
俗堪信移居更索居葉滿鄰園煙冪冪竹連僧舍雨
疎疎何須許伯長安第此屋翛然已有餘

倚樓

漠漠疎煙丹樹開火經城苑減樓臺雨初過處千山
出人正愁時一雁來秋色自隨砧杵動夕陽又被鼓
鐘催詩成未盡登臨意獨向蒼茫首重回

送梅侯赴錢塘

一鶴隨車到郡朝剩山殘水尚蕭條盃藏秋塚金方

出箭插寒沙鐵未銷重見花開非舊賞初聞麥秀是
新謠幾時南作諸侯客醜酒江亭看晚潮

蘆花簾

莢茸織出緯蕭機未許蝦鬚獨銜奇寒雪照庭晴不
捲白雲當戶畫長垂恍疑柳絮風穿早不管梨花月
到遲自是楚江秋一片移來不使白鷗知

王徵士東里草堂

久客因爲東里人年來移竹與僧鄰時名頗患緣詩
得野性惟知向酒新林下煙生門掩夕園中雪罷鳥
鳴春相期歲晚爲同社隔屋歌呼定不嗔

新春次余左司韻

雪晴稍稍見花枝，書閣朝眠日影移。酒到好懷傾輒盡，詩逢高韻和應遲。今朝閒豈尋春得，前夜愁因送客知。走馬南園芳草綠，憑君莫問少年時。

次韻楊禮曹秋日見贈

殘雨翛翛映彩虹，憐君獨詠楚臺風。遠江帆影秋蕪外，故苑砧聲晚樹中。壯歲漸如辭幕燕，閒身猶作蠹書蟲。雅音自古無能好，莫向人誇瑟最工。

首春感懷

初春風日自妍華，客意登臨只感嗟。陌上驚塵隨去

馬城邊，遺柳斷。栖鴉亂來未覓無，兵地愁在空思有。酒家咫尺苑西誰解問，早梅還發去年花。

次韻楊禮曹雨中臥疾錄一首

門前問疾幾人車，曲巷深深樹影斜。每愛積書緣有子，不愁聽雨為無花。亂來官俸猶支粟，睡起僧書忽寄茶。何事一春頻謁告，只應來辨酒中蛇。

岳王墓

大樹無枝向北風，千年遺恨泣英雄。班師詔已來三殿，射虜書猶說兩宮。每憶上方誰請劔，空嗟高廟自藏弓。栖霞嶺上今回首，不見諸陵白露中。

早春寄王行

江水江花只自春，不知容易解愁人。山川寂寞衣冠
淚，今古銷沈簡冊塵。草草逢人空識面，忽忽為客莫
容身。十年憂患誰相慰，賴得君家是近鄰。

次韻金德儒文學送弟往海上

小陸賢如大陸賢，亂離為客最堪憐。橫經海上知虛
席，打鼓津頭看發船。麥氣曉晴田雉鬪，蘘香春暖野
鷓眠。明朝夢斷生芳草，風雨孤舟過練川。

廉上人水竹居

水西分土一袈裟，拄杖敲門竹滿家。掃石安禪無落

葉過谿，送客有浮槎。龍吟夜應潮生海，鳥過寒驚月
在沙。林下本來參玉版，不須更煮趙州茶。

送葉卿還隴西公幕兼簡周軍咨

落日關城動鼓笳，遠遊憐汝尚無涯。壯身漫託三公
府，歸夢難尋萬里家。投驛暮山燈照葉，待潮秋渡棹
黏沙。軍中記室如相問，只說愁吟對菊花。

西塢

空山啄木聲敲鏗，花落水流縱復橫。松風吹壁鶴翎
墮，梅雨過谿魚子生。尚有人家機杼遠，更無塵土衣
裳輕。斜陽已沒月未出，樵子歸時吾獨行。

過海雲院贈及長老

衲擁寒雲老一邱，遊方無夢轉悠悠。
茶香吹過前林晚，茶葉流來別澗秋。
舊拂講餘懸壁上，殘經定後落牀頭。
紫藤塢裏歸逢雪，煨芋曾煩慰客愁。

送錢塘守

繁華莫歎異昇平，到郡初煩露冕行。
幕下吏書催署字，湖中妓舫歇歌聲。
潮來兩渡皆侵岸，日落諸山半入城。
休沐南屏煩一到，松閒尋我舊題名。

張山人見訪畱宿草堂

夕陽欲沒靜沙墟，喜子能來慰索居。
生事蕭條慙客

裏交情契闊歎兵餘，買魚急喚臨江艇。
炊黍深開映竹廚，屈指故人能幾在。
莫辭同醉臥田廬。

喜宋山人見過

攜琴遠趁渡江船，煩覓幽蹤浦樹邊。
別久忽看梅又發，話長應讓鴈先眠。
一冬多暖天無雪，半夜初寒月有煙。
回首舊遊君莫念，歸來好共種吳田。

與姪常遊東菴

水樹圍菴綠幾層，陰中敲戶晝登登。
十年重到猶爲客，半日纔閒且訪僧。
舊履塵生跌後席，亂幡風颭供餘燈。
高齋對作忘言坐，此事堪憐汝亦能。

謝周四秀才送酒

不忍醒愁只欲眠，幾時花發自江邊。
欲沽百錢未易得，忽送一壺真可憐。
梳頭好鳥語窗下洗，盞流水到門前。
今朝得醉已無恨，不使春光空一年。

徐記室賁北歸見訪南渚復送還城

初辭楚澤到吳村，訪舊嗟君古道存。
欲治忽忽歸後計，難畱款款坐中論。
雪遲似讓梅先白，月蚤如愁樹已昏。
此別終非前別遠，孤舟江上莫銷魂。

被召將赴京師畱別親友

長送遊人作遠行，今朝還自別鄉城。
北山恐起移文

誚東觀慙叨議論，名路去幾程。
天欲近春來十日，水初生只愁使者頻。
催發不盡江頭話，別情

白鶴谿阻雨

漠漠窮陰歲欲闌，卻攜孤櫂別鄉關。
雨添白鶴谿頭水，雪變金陵道上山。
自歎無心雲漫出，應嗟倦翮鳥知還。
浮生擾擾成何事，贏得星星兩鬢斑。

登天界寺鐘樓望京城

朝罷登樓賞晚晴，三山二水總分明。
人間地涌黃金界，天上雲開白玉城。
宮樹遠連江樹色，寺鐘微答禁鐘聲。
憑高空此觀形勝，深愧無才賦帝京。

奉天殿進元史

詔預編摩辱主知布衣亦得拜龍墀書成一代存殷
鑒朝列千官備漢儀漏盡秋城催仗早燭明曉殿卷
簾遲時清機務應多暇閣下從容幸一披

九日陪諸閣老食賜糕次謝授經韻

叨陪講席接詞曹曉禁霜花點素袍院貯圖書西掖
靜雲連宮殿北山高故園莫憶黃花酒內府初嘗赤
棗糕最愛鳳毛今復見便令池上一揮毫

送沈左司從汪參政分省陝西汪由御史中

丞出

重臣分陝去臺端賓從威儀盡漢官四塞河山歸版
籍百年父老見衣冠函關月落聽雞度華岳雲開立
馬看知爾西行定回首如今江左是長安

晚登南岡望都邑宮闕二首

落日登高望帝畿龍蟠山下見龍飛雲霄雙闕開黃
道煙樹三宮接翠微沙苑馬閒秋獵罷天街車鬪晚
朝歸明朝欲獻昇平頌還逐仙班入瑣闈

其二

秦金不厭氣佳哉紫蓋黃旗此日開殘雪已銷鳩鵲
觀浮雲不隱鳳凰臺山如洛下層層出江自巴中渺

渺來六代衣冠總成土幸逢昌運莫興哀

送朱謝二博士進賀冬至表赴京師聽宣諭
畢還吳

驛騎雙馳捧綠章都門逢舊喜洋洋小儒方幸瞻天
近遠使初來賀日長仗下丹墀晴雪盡朝回紫陌曉
塵香承宣歸去難畱駐乞報平安到故鄉

吳僧日章講師赴召修蔣山普度佛事既罷
東歸送別二首

萬人擁座聽潮音寶刹曾迂玉駕臨佛法曉敷三藏
祕帝恩春及九原深鐘山坐處花頻雨練浦歸時樹

欲陰擬問楞伽嗟已別楚江飛錫暮沈沈

其二

故鄉未解識清容卻在金陵闕下逢中禁曾分齋鉢
飯上方時叩講筵鐘一帆細雨迢迢浦半塔斜陽靄
靄峰相送師歸忽多感飛雲亦戀舊依松

客舍夜坐

樓角聲殘鎖禁城燈花半落夜寒生啼鴉井上驚風
散殘雪窗前助月明清世莫嗟人寂寞中年漸怯歲
崢嶸酒杯詩卷吾家物客裏相親倍有情

送鄭山人聽宣諭後歸東陽

閣門傳詔山人拜清曉蓬萊望彩霞布褐朝天纔赴
闕蒲帆帶雨又還家沈侯詠罷樓沈月婺女妝殘廟
掩花無限朝廷仁恤意殷勤歸向老農誇

春來

客愁擬向春來減春到愁翻倍舊時走馬已無年少
樂聽鶯空有故園思日光晶晶濃熏草風力颺颺緩
墮絲辟歷溝南酒家路共誰來往問花枝

送賈文學以郡薦赴禮部試畢歸吳

匹馬都門候曉開吳公新薦賈生來郡中方待傳經
業闕下先稱射策才寒食杏花江店雨春衣柳絮驛

程埃慚予東掖叨陪講難把長干送別杯

送內兄周諠還江上

憶奉綸音趣赴朝曾煩遠送過楓橋雲山方恨成睽
阻雪夜俄來伴寂寥吳苑疎鐘沈晚樹楚江歸榜逐
寒潮情親海內如君少敢惜離魂爲一銷

過故將軍第

甲第如雲紫陌東當年得意負邊功美人笑客登樓
上假子將兵衛閣中深計謾誇三窟固遊魂難返九
原空門前車馬今誰到零落槐花向晚風

雨中寄劉沈二別駕

漠漠春寒水繞城誰家可作看花行一杯不得三人
共二月都能幾日晴夢逐鶯聲風外斷愁兼草色雨
中生畫船載妓南湖上不似年時放浪情

丁校書見招晚酌

正坐羈愁不自聊遠煩舟楫暮相邀江懸落日猶三
尺風折垂楊定幾條流水入花村杳杳幽人對酒屋
脩脩此鄉不得君同客應是春來更寂寥

送葉判官赴高唐時使安南還

銅柱崖前使節過貢隨歸騎入京多一官暫遣陪成
璿片語曾煩下趙佗曉拜賜衣辭絳闕秋催征棹渡

黃河政餘好賦登臨詠聞說州人最善歌

衍師見訪鐘山里第

風雨孤舟寄一僧遠煩相覓到金陵青衫愧逐塵中
馬白拂看塵座上蠅事去南朝猶有恨夢歸北郭已
無憑文章何用虛叨祿只合從師問上乘

清明呈館中諸公

新煙著柳禁垣斜杏酪分香俗共誇白下有山皆繞
郭清明無客不思家卜侯墓上迷芳草盧女門前映
落花喜得故人同待詔擬沽春酒醉京華

金陵喜逢董卿併送還武昌

高青丘詩集 卷之四
兵後忽忽記別離，兩年音問不相知。武昌樓下初來日，幕府山前忽見時。上國花開同醉少，大江潮落獨歸遲。莫嗟握手還分手，此會從前豈有期。

送易左司分省廣西

朝廷特念遠氓深，畫省分官出桂林。油幕乍開依漢節，卉衣時到貢蠻金。四時花發山多暖，半日嵐開市尚陰。虞帝祠前黃竹裏，相思莫聽鷓鴣吟。

大駕親祀方邱選射齋宮奉次御製韻

奠璧方壇曉祝釐，豹竿風動從靈祇。獻符多士歌昌運，扈蹕諸蕃覩盛儀。郊射貫侯初復古，汾祠獲鼎未

云奇山川效順年，多穀神答皇心定有期。

奉迎車駕享太廟還宮

鳴蹕聲中曉仗回，錦裝馴象踏紅埃。半空雲影看旗動，滿道天香識駕來。漢酎祭餘清廟閉，舜衣垂處紫宮開。禮成海內人皆慶，獻頌應慚自乏才。

送丕上人還四明育王寺

解夏還尋舊寺栖，滿船黃葉過長谿。袈裟影入秋山遠，舍利光懸夜塔低。鵝識講時常繞聽，猿知定後不驚啼。卻慙擾擾塵中客，覺路如今去尚迷。

送王檢校錡赴北平

半○年○同○舍○客○京○華○看○遍○龍○河○寺○裏○花○纔○進○史○書○朝○日○
下○便○紆○宦○綬○去○天○涯○平○蕪○遠○塞○秋○驅○騎○衰○柳○遺○宮○晚○
噪○鴉○莫○道○窮○邊○成○久○別○待○君○歸○草○玉○堂○麻○

京師秋興次謝太史韻

柳○外○秋○風○起○御○河○京○華○客○子○意○如○何○伎○同○南○郭○知○應○
濫○俸○比○東○方○愧○已○多○梁○寺○鐘○來○殘○月○落○漢○宮○砧○斷○早○
鴻○過○不○材○幸○得○同○趨○闕○幾○度○珊○珊○候○曉○珂○

送吳生赴汴省其父指揮

都○亭○槐○雨○淨○朝○埃○彩○服○逢○秋○試○剪○裁○定○遠○未○歸○雙○節○
在○孝○廉○初○去○一○船○開○城○依○梁○苑○煙○中○閉○河○繞○隋○堤○樹○

裏○來○家○慶○拜○餘○尋○舊○跡○夕○陽○騎○馬○過○繁○臺○

寄題安慶城樓

案安慶本屬漢陳友諒明屢遣兵攻下之

層○構○初○成○百○戰○終○憑○高○應○喜○楚○氛○空○山○隨○粉○堞○連○雲○
起○江○引○清○淮○與○海○通○遠○客○帆○檣○秋○水○外○殘○兵○鼓○角○夕○
陽○中○時○清○莫○問○英○雄○事○回○首○長○煙○滅○去○鴻○

送鄭都司赴大將軍行營

上○公○承○詔○出○蓬○萊○立○馬○風○煙○萬○里○開○賜○履○已○分○無○棗○
遠○舞○干○還○見○有○苗○來○牙○前○部○曲○多○收○績○幕○下○賓○僚○更○
倚○才○後○夜○軍○門○知○子○到○郎○星○應○是○近○三○台○

送殷孝章赴咸陽教諭

獨抱遺經出董帷，秋風匹騎入關遲。
用儒幸際千年會，造士欣為一縣師。
鴻雁雲低秦壘角，牛羊草沒漢陵碑。
宦遊兼得觀形勝，莫向尊前歎別離。

辭戶曹後東還始出都門有作

詔貳民曹出禁林，陳辭因得解朝簪。
臣材自信元難稱，聖澤誰言尚未深。
遠水江花秋艇去，長河宮樹曉鐘沈。
還鄉何事行猶緩，為有區區戀闕心。

歸吳至楓橋舊有塔今廢

遙看城郭尚疑非，不見青山舊塔微。
官秩加身應謬得，鄉音到耳是真歸。
夕陽寺掩啼鳥在，秋水橋空乳

鴨飛，寄語里閭休復羨錦衣，今已作荷衣。

吳城感舊蓋詠張士誠也

城苑秋風蔓草深，豪華都向此銷沈。
趙佗空有稱尊計，劉表初無弭亂心。
半夜危樓俄縱火，十年高塢漫藏金。
廢興一夢誰能問，回首青山落日陰。

喜幼文北歸

風塵萬里損光輝，舊面相逢卻訝非。
非在路定畱經處，詠還家猶著去時衣。
久畱遠土蟲蛇雜，忽解高羅雁鷓飛。
尚念梁園三二客，與君同去不同歸。

送徐山人還蜀山兼寄張靜居

我因解紱遠辭京君爲修琴暫入城偶爾相逢春酒
熟飄然忽去暮煙生山頭學嘯猶聞響世上畱詩不
寫名西礪煩詢張靜者年來注易幾爻成

送基上人希載赴天界

水郭春寒壓柳絲扁舟遙送道林支日邊金界遊應
徧雪後滄江渡較遲座近香爐朝聽法窗傳鉢韻夜
談詩龍河舊日栖禪侶想拂雲牀正待師

漫成二首

柴門藥圃小江邊蚤得閒居是偶然兩岸晚風黃鳥
樹一陂春水白鷗天悠悠往事空書卷碌碌浮生只

釣船猶記京華爲客日幾回聽雨憶歸田

其二

已分栖遲不自疑江邊林下儘幽期病唯好懶寧須
藥心未忘機偶對棊閒館雨聲花落夜芳塘草色燕
飛時春來頗喜囊中富添得新成幾首詩

送宋孝廉南康葬親

長揮客淚楚雲東故國江山百戰中遺柩十年嗟未
掩歸舟千里喜纔通遠途敢避風濤惡舊隴應知草
樹空料得南岡廬宿處夜深猿鳥泣西風

送王孝廉遊京回錢塘

客遊南北再逢春，幾驛煙花一騎塵。
觀國舊逢朝闕使，還家今作渡江人。
雪迎酒氣消應早，柳逐歌聲發更新。
此日腰閒垂赤組，不須猶愧故鄉親。

寄錢塘方員外

尋常此別事難同，不意音書得再通。
君病尚畱多難後，我吟方向亂愁中。
殘煙廢郭山猶在，落日空城歲欲窮。
借問西湖舊梅樹，如今還剩幾多叢。

端陽寫懷

去歲端陽直禁闈，新題帖子進彤扉。
大官供饌分蒲醕，中使傳宣賜葛衣。
黃繖回廊朝旭淡，玉爐當殿午

熏微。今朝寂寞江邊臥，閒看遊船競渡歸。

寄倪隱君元鎮

名落人間四十年，綠蓑細雨自江天。
寒池蕉雪詩人畫，午榻茶煙病叟禪。
四面荒山高閣外，兩株疎柳舊莊前。
相思不及鷗飛去，空恨風波滯酒船。

與杜進士寅登白蓮閣對雨

遠愁高樹共離離，風逆潮聲上浦遲。
海客市中煙起處，江僧閣外雨來時。
船歸杳靄唯聞櫂，店隱蒼茫不見旗。
回首南朝今幾寺，可堪重詠牧之詩。

得亡友周履道記室在繫所詩次韻

擬出宜羅再卜鄰死生俄判兩吟身百年豈料逢今日四海何由見此人吳地有園花已盡楚山無塚草空新一篇幽憤時時讀風雨寒燈夜獨親

寄永寧丁明府兼簡達君先生

永寧屬洛陽丁近布平盜

浚渠之功達君前進士寓其邑

政成百里自材優莫厭青袍映白頭盜散山棚城少閉渠通田澮水多流陸渾莊上雞鳴午緱嶺祠前鶴去秋沽酒更須煩縣令洛中時伴玉川遊

夜聞吳女誦經

雲窗月帳散花多閒讀金經夜若何嬌舌乍彈鶯學

語芳心已定井銷波尼師曾教青蓮偈女伴徒為白苧歌聽處若迷空色相應須愁殺病維摩

送趙使君致仕歸別業

久仕江湖白髮長今年得許乞身章吏收封印朝辭郡人賀懸車晚在鄉家篋已添新著橐官衫未歇舊熏香南風別墅初歸處應坐肩輿看種秧

遊南峰寺有支遁放鶴亭

每向人間望碧峰石門今得問幽踪路緣風磴冷泠策寺隔煙蘿杳杳鐘窗下鳥來多墜果亭前鶴去只高松一龕願借依香火莫道詩人非戴顓

次韻楊孟載署令雨中臥疾

雙桐分蔭曉池清乍喜新晴覺病輕
蛛曳林風吹欲斷鷺經沙雨洗偏明
吟多稍怯臨窗寫臥久渾忘出市行
不道春歸踰一月起聞歌鳥尚疑鶯

送呂志學秀才入道

學禮茅君便入山黃冠初著稱清顏
杏園不羨龍頭貴蓬島應思鶴背閒
窗下棄檠辭婦去壇前受籙拜師還
白雲知勝青雲好揮手從今謝世閒

送胡孝廉布東遊

春色偏傷楚客心日斜芳草鷓鴣吟
山遮故國千重

影雲度長江一片陰少婦自挑燈下錦
諸侯誰贈橐中金送行只恨華觴淺不
似同袍別意深

夜雨不寐

雨窗燭盡漏迢迢秋滿牀幃酒易消
蟋蟀催寒輸絡緯梧桐開雨勝芭蕉
漸知老去非前日豈信愁來是此宵
莫聽曉鐘聊穩睡久居閒退罷趨朝

煮雪齋為貢文學賦禁言茶

自埽瓊瑤試曉烹石爐松火兩同清
旋渦尚作飛花舞沸響還疑灑竹鳴
不信秦山經歲積俄驚蜀浪向春生
一甌細啜眞天味卻笑中冷妄得名

晚香軒

不畏風霜向晚欺，獨開眾卉已凋時。地荒老圃苔三徑，節過重陽雨一籬。秋色蒼茫人少醉，寒香落寞蝶先知。山翁獨念同衰晚，坐對幽軒每賦詩。

次韻倪雲林見寄

錄一首

草滿當年食客堂，一身投老寄僧牀。秋風吟怨衰蘭浦，暮雨行愁苦竹岡。任曠豈能諧薄俗，養和且為駐顏光。酒錢十萬今誰送，獨嗅黃花對夕陽。

次韻俞士平見寄

一櫂滄浪兩鬢絲，豫章老客苦相思。作歌幾日空招

隱載酒何人為問奇，吳苑舊遊山色在。楚江歸夢月明知，莫言別後音塵絕。長倚東樓憶紫芝。

喜徐山人與浩師見過

遠煩支許問栖遲，正是山家橘熟時。為吏得閒非是隱，學禪有解只能詩。潮聲驚客江三里，秋色畱人菊一枝。莫怪相逢情倍喜，碧雲紅樹久相思。

十二月十九日雪中

舟絕寒江凍不潮，縈沙拂柳影脩脩。纔從漁浦磯邊積，還向樵村竹外飄。撲馬憶當年少樂，點袍曾逐侍臣朝。如今獨坐吟詩句，茅屋茶煙冷未消。

過僧舍訪呂敏

幾欲相尋與願違，今朝始得過禪扉。
磬聲穿竹山房遠，屐齒黏苔石徑微。
幽鳥每同馴鴿下，高人閒與老僧依。
談詩說偈俱堪喜，坐覺茶香上薜衣。

初夏江村

輕衣軟履步江沙，樹暗前村定幾家。
水滿乳鳧翻藕葉，風疎飛燕拂桐花。
渡頭正見橫漁艇，林外時聞響緯車。
最是黃梅時節近，雨餘歸路有鳴蛙。

送人出鎮

家出山西負勇名，擁旄方見去專城。
風生曉帳旌旗

動，月落寒譙鼓角清。
麟閣封侯新寵任，雁門擒虜舊功成。
如今四海無征戰，雅詠投壺樂太平。

次張子玄園居錄一首

見山岡下竹蒙籠，亂後池塘野水通。
身影步隨花影日，鬢絲吹傍釣絲風。
已知處世愁無益，更覺全生醉有功。
誰道閒官貧去甚，春來未典舊焦桐。

吳縣庠訓導徐君善醫，常起人疾，求詩贈之。
解榻高齋晝日遲，坐談周孔雜軒岐。
仙人方在應藏枕，博士經橫每下帷。
池上采芹風起處，階前曬藥雨收時。
病瘥不使人栽杏，只要新題滿卷詩。

喜聞王師下蜀

蜀國兵銷太白低，將軍新拜漢征西。
浮橋已毀通江鷁，進鼓初鳴突水犀。
不假五丁開道遠，俄看萬甲積山齊。
從今險阻無人恃，夷貢南來盡五谿。

送倪賢良歸吳門

數千里外久相違，十八灘頭偶獨歸。
自說病來辭幕府，只因愁絕念庭闈。
吳歌重把還鄉酒，蠻布猶穿過嶺衣。
話盡三年遊歷事，滿庭風雨送斜暉。

贈林泉民張夢辰次張貞居韻

雨船幾度載狂客，詩卷平生隨老翁。
林下自成麋鹿

友世閒相去馬牛，風曉窗炊熟露芝紫。
秋寺寫殘霜葉紅，他日誰修耆舊傳。
著君應在隱淪中。

梅花九首

瓊姿只合在瑤臺，誰向江南處處栽。
雪滿山中高士臥，月明林下美人來。
寒依疎影蕭蕭竹，春掩殘香漠漠苔。
自去何郎無好詠，東風愁寂幾回開。

其二

綺袂相逢半是仙，平生水竹有深緣。
將疎尚密微經雨，似暗還明遠在煙。
薄暝山家松樹下，嫩寒江店杏花前。
秦人若解當時種，不引漁郎入洞天。

其三

翠羽驚飛別樹頭，冷香狼藉倩誰收。
騎驢客醉風吹帽，放鶴人歸雪滿舟。
淡月微雲皆似夢，空山流水獨成愁。
幾看孤影低回處，只道花神夜出游。

其四

淡淡霜華溼粉痕，誰施綃帳護香溫。
詩隨十里尋春路，愁在三更挂月村。
飛去只憂雲作伴，銷來肯信玉為魂。
一尊欲訪羅浮客，落葉空山正掩門。

其五

雲霧為屏雪作宮，塵埃無路可能通。
春風未動枝先

覺夜月初來樹，欲空翠袖佳人依。
竹下白衣宰相住，山中寂寥此地君。
休怨回首名園盡，棘叢

其六

夢斷揚州閣，掩塵幽期猶自屬。
詩人立殘孤影長，過夜看到餘芳不是春。
雲暖空山栽玉徧，月寒深浦泣珠頻。
掀篷圖裏當時見，錯愛橫斜卻未真。

其七

獨開無那只依依，肯為愁多減玉輝。
簾外鐘來初月上，燈前角斷忽霜飛。
行人水驛春全早，啼鳥山塘晚半稀。
愧我素衣今已化，相逢遠自洛陽歸。

其八

最愛寒多最得陽，仙遊長在白雲鄉。
春愁寂寞天應老，夜色朦朧月亦香。
楚客不吟江路寂，吳王已醉苑臺荒。
枝頭誰見花驚處，嫋嫋微風簌簌霜。

其九

斷魂只有月明知，無限春愁在一枝。
不共人言唯獨笑，忽疑君到正相思。
歌殘別院燒燈夜，妝罷深宮覽鏡時。
舊夢已隨流水遠，山窗聊復伴題詩。

寄題內弟周思敬野人居

野人何處是幽栖，聞在天隨舊宅西。
半屋圖書春落

蠹一村花柳畫鳴雞，分泉自給烹茶水。
待雨惟耕種藥畦，日暮扁舟欲相訪。
恐驚鷗鳥過前谿。

鶴瓢錄二首

遠隨仙客下青城，瘦骨肥來見盡驚。
藜杖夜懸翻露影，竹尊春瀉飲泉聲。
園中幾歲形容變，海上何時羽翼成。
醉聽樹頭風歷歷，還疑秋傍九皋鳴。

次韻楊禮曹雨中養疴

午晴書閣暫令開，又聽鳴鳩竹外催。
身到遠山屏乍展，手持明月扇初裁。
綠芳消砌風前蕙，朱果封泥雨後梅。
曲巷掩關人寂寂，今朝問疾有誰來。

答張文伯用韻見贈

早年說法已升堂，夜雨長連聽雨牀。
珥筆便堪趨禁省，振衣何必上重岡。
半簾藥氣疎煙退，滿屋書聲落月光。
愧我飄零荒舊學，酒徒相逐醉高陽。

喜逢賀叔庸送還錢塘

暫來還去獨翩翩，賀監清狂已欲仙。
三日小樓延解榻，幾人還浦送回船。
雁呼舊侶投雲外，梅試初花在雪前。
歸去西湖柳邊宅，定娛鶴髮慶新年。

子祖授生

二月二日子祖授生其母嘗夢一
來賀聞其啼甚奇之余年三十八
歲始有是兒不能無喜故賦詩

他日愚賢未可知，眼前聊復慰衰遲。
人間豚犬應誰子，天上麒麟豈我兒。
夢兆先占神媪送，啼聲還得使君奇。
樂天從此休長歎，已有人傳柏園詩。

喜張太常謁告歸途見訪雨中畱宿話舊

長嗟遠別望京城，忽喜相逢駐驛程。
問舍求田慙我鄙，還家上冢羨君榮。
寒廳聯句圍爐坐，晚陌趨朝竝轡行。
舊事重談真若夢，江湖夜雨一燈明。

送任兵曹赴邊

少年恥著惠文冠，幕下時時把劍看。
宦燭未銷雞送曉，軍笳忽動馬嘶寒。
關連雲樹征途迥，塞接霜蕪戰

地寬見說長平門下客奇材唯一任安

高青邱詩醇卷之四

高青邱詩醇卷之五

伊勢 齋藤 謙有終錄

美濃 梁 緯公圖

紀伊 菊池保定士固 閱

五言絕句

題雜畫十二首

空山萬株木靄靄秋多晦屋在白雲中人歸白雲外

其二

欲尋江寺僧渡口孤帆發落日浦風生不畏春潮闊

其三

高青丘詩集 卷之五
叢蒲亂石閒水急魚難罩欲去尚殘陽看山一停櫂

其四

風急楚江波佳人罷采荷離舟孤宿處淚少夜猿多

其五

孤柳影婆娑路入秋谿暮誰家繫榜來應待歸人渡

其六

驢背夕陽催空山不見梅愁腸如客路一日幾縈迴

其七

夕陽數峰遠靄靄江南思煙外有鐘聲山僧獨歸寺

其八

橋迴綠水斜春樹隔煙霞隱處誰云淺千峰只一家

其九

日出谿霧黃風迴不成雨何處趁墟人侏離並沙語

其十

遠岫淡煙光斜陽在釣航眾漁歸已盡獨自過寒塘

其十一

柳葉散空塘菊花明廢苑日暮問垞南舟行何近遠

其十二

山禽欲定栖竹風苦難靜殘雪墮驚梢翛翛一窗冷

筑

和楊禮曹刺客三詠之一

主醉不知音庭前殺聲起勿輕無目人能為有心鬼
得家只在遠消息四首錄一

江上有歸舟傳只在石頭知安雖暫喜念遠更成愁

為外舅周隱君題雜畫五首

斜陽榜釣船秋色滿江天彷彿吾家近沙村落雁邊

其二

白鶴忽飛還松杉靄然暝明月出谿橋照見支筇影

其三

風雨過蒼嶠秋色渺江海白鷗期不來沙上人相待

其四

落葉帶回吹荒筠冒幽石池上鳥鳴時閒齋掩秋夕

其五

山深嵐氣寒高齋掩窗臥林閒踏葉聲知有樵人過

效陰常侍

滿江煙水綠幾里到巴州音書不堪寄一寄一沈浮

尋胡隱君

渡水復渡水看花還看花春風江上路不覺到君家

西寺晚歸

遠寺別僧歸隨鐘出煙嶺犬吠竹林閒斜陽見人影

淵源堂夜飲

高青丘詩集卷之五
懸燈照清夜，葉落堂下。雨客醉已無言，秋蛩自相語。
薔薇露盥手。

蠻估海帆迴，銀鬢玉汞開。盥餘香滿手，恰似折花來。
園中梨花唯開一枝。

蘭外見春遲，朝來雪一枝。不知初發處，誤道已殘時。
江上酒家。

門戶映垂楊，春槽酒聲瀉。幾度望高帘，歸帆雨中下。
懷陳寅山人時居西山昭明寺。

閒看西澗月，秋閣與僧開。正是相思夜，鐘聲君處來。
秋聲。

砧韻雜鳴蛩，梧邊雨帶風。千聲秋作意，都入夜窗空。
黃氏延綠軒。

葱葱谿樹暗靡靡，江蕪溼雨過曉。開簾一時放春入。
送人遊湘中。

離恨掛帆檣，隨君遠入湘。飛花蕩春影，江水不勝長。
除夕客中憶女。

別家非願久，回首已徂年。今夜寒齋雪，何人聽折絃。
題張校理畫。

寒色初凝野，秋聲忽在林。遙山不能見，祇爲晚煙深。
題湘南雨意圖。

南禽暮啼起門掩湘祠裏脈脈半江陰春雲與春水

別呂隱君

孤舟晚谿口欲去重回首不忍別青山況此山中友
林下

樹涼山意秋雲淡川光夕林下不逢人幽芳共誰摘
不寐懷徐記室

齋寒掩孤燭城遠沈雙杵憶爾忽長吟驚散牀頭鼠
立春前十日寄會稽周軍咨

的的玩芳樹依依懷遠人千山雖隔郡十日共逢春
壺中插緋碧桃花既而碧桃先落

白嫩倚紅嬌朝看訝獨飄應緣霞氣暖烘得雪先消

燒筍

幽人嗜燒筍出土不容長林下孤煙起風吹似竹香

雨中過玉遮山

錄一首

尋鐘入蒼茫一澗復一崦落葉去方深山扉雨中掩

諸君會宿鶴瓢山房題畫賦詩予將赴召不

得預明日補題其上

偶趨蘭省召不預竹林歡山水圖中景明朝在路看
白葵花

素彩發庭陰涼滋玉露深誰憐白衣者亦有向陽心

曉發山驛

風殘杏花曉馬上聞啼鳥茅店未開門山多住人少

得家書

未讀書中語憂懷已覺寬燈前看封篋題字有平安

焚香

斜霏動遠吹暗馥留微火心事共成灰窗閒一翁坐

榴花

日炙態常醺香生若自焚夜來端午宴淡卻美人裙

階前苔

莫埽雨餘綠任滿閒階路畱藉落來花春泥兔相汗

睡足

風雨落梅村鳩啼正掩門今朝無事役睡足亦君恩

寒夜與家人坐語憶客中時

茶屋夜燈青竹庭寒雪白不對室中人依然去年客

江上漫成

春色到江濱江花樹樹新行吟憔悴客誰道亦逢春

僧舍訪呂隱君為學上人題墨竹

山房竹雨過簾影靄春雲得與幽人會何殊見此君

題孫卿家小畫

前林遠杵歇別院疎鐘起行人與居人同在秋雲裏

題榮悴竹圖

嫩葉與殘枝相依暮雨時莫分榮悴看節在不曾移

題張來儀畫贈張伯醇

風起澗聲亂景寒雲氣深山人歸臥晚詩意滿秋林

題徐山人畫贈內弟周思恭

復澗兼重嶺雲嵐處處生君家還可認爲有讀書聲

訪因師而師適詣余兩不相值

我去尋幽院師來訪小園休言不相見相見本無言

題畫贈別

扁舟暮歸去別路江南樹愁指楚山遙明朝望君處

蔡村田家

田中未聲歇煙火西林起獨立候歸人柴門夕陽裏

芹

飯煮憶青泥羹炊思碧澗無路獻君門對案空三歎

隔簾聞歌

低按新翻曲人聽意每猜簾疎遮不斷嬌透幾聲來

六言絕句

楊氏山莊

斜陽流水幾里啼鳥空林一家客去詩題柿葉僧來
供煮藤花

陶祕書廣陵送別圖

暮雨潮生瓜步春山樹繞蕪城惆悵離舟欲發江南
煙寺鐘聲

高青邱詩醇卷之五

